


**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SAPNA
OPĆINSKI NAČELNIK**

S A P N A



**PROGRAM RADA
Općinskog načelnika za 2008. godinu**

SAPNA, DECEMBAR 2007. GODINE

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 41. Statuta općine Sapna („Službeni glasnik općine Sapna“, broj 6/07) Općinski načelnik, donosi

PROGRAM RADA **Općinskog načelnika za 2008. godinu**

I. UVOD

Programom rada Općinskog načelnika za 2008. godinu utvrđuju se osnovni pravci djelovanja, Općinskog načelnika i nadležnih općinskih službi za upravu, propisani ustavom, zakonom, Statutom i drugim propisima. Program se zasniva na procjenama do kojih se došlo analizom rezultata koji su ostvareni u 2007. godini, te utvrđenim prioritetima mjesnih zajednica sa prostora općine Sapna za 2008. godinu.

II. UNAPREĐENJE FUNKCIONISANJA OPĆINSKE UPRAVE

U 2008. godini pored poslova propisanih ustavom, zakonom, Statutom i drugim propisima u cilju unapređenja funkcionisanja općinske uprave, Općinski načelnik će:

- raditi na uspostavi efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata;
- kontinuirano raditi na poboljšanju u organizaciji i funkcionisanju općinske uprave u skladu sa evropskim standardima;
- voditi aktivnosti na otvaranju i opremanju modernog centra za usluge građanima;
- raditi na racionalizaciji zaposlenosti u općinskim službama za upravu, te nastaviti sa programom štednje u organima uprave i drugim institucijama i organima koji se finansiraju iz budžeta općine;
- stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja;
- raditi na poboljšanju transparentnosti i protoku informacija unutar administracije i prema građanima i poslovnim subjektima;
- obezbjediti nove ili nadograditi postojeće sisteme za upravljanje finansijama i ljudskim resursima;
- voditi aktivnosti na informatizaciji općinskih službi za upravu;
- raditi na stručnom osposobljavanju i usavršavanju uposlenika;
- izvršiti ocjenjivanje uposlenika općine Sapna u skladu sa zakonom i drugim propisima;
- omogućiti građanima i pravnim licima da što efikasnije i jednostavnije ostvaruju svoja prava i izvršavaju svoje obaveze;
- u saradnji sa Misiom OSCE-a u Bosni i Hercegovini raditi na provođenju projekta Ugovor, te na izradi Strategije razvoja i Strategije partnerstva općine Sapna sa udruženjima gradana, mjesnim zajednicama i nevladinim organizacijama i drugim;

- osigurati izvršavanje i drugih poslova u skladu sa zakonom.

III. RAZVOJ PODUZETNIŠTVA I ZAPOŠLJAVANJE

Strateška orijentacija razvoja općine Sapna profilisana je ka razvoju poljoprivrede, malog i srednjeg biznisa. S tim u vezi u narednom periodu potrebno je:

- pošto nema uslova za ozbiljna investiciona ulaganja iz budžeta općine Sapna, kontinuirano raditi na iznalaženju potencijalnih investitora koji su spremni na ulaganja na našem području i na otvaranje novih preduzeća i novih zapošljavanja pri čemu maksimalno koristiti privrednike naše općine i njihove poslovne partnere;
- raditi na kadrovskom osposobljavanju i jačanju nadležne općinske službe kako bi ista bila aktivan servis građanima i privrednim subjektima u pripremi programa za pokretanje proizvodnje;
- organizovati sastanke privrednika i predstavnika vlasti svih nivoa u cilju sagledavanja stanja u oblasti privrede i iznalaženje najpovoljnijih mjera za stvaranje dobrog ambijenta za rad poduzetnika na našem području, te u cilju otklanjanja prepreke koje stoje na putu razvoja privrede i novih zapošljavanja;
- podsticati zapošljavanje ljudi na vlastitim imanjima;
- podsticati proizvodnju voća, povrća i žitarica na individualnim imanjima i uzgoj stoke, te vidjeti mogućnost plasmana šljive i ostalog voća, otkupa mlijeka i slično;
- pokrenuti inicijativu za realizaciju programa razvoja turizma i korištenje turističkih potencijala (jezero Sniježnica i dr.)
- raditi na obezbjeđenju lokacije za izgradnju proizvodnih objekata na prostoru naše općine;
- angažovati se na stvaranju što povoljnijeg ambijenta za razvoj poduzetništva kao cjeline i dr.

IV. KAPITALNI PROJEKTI I FINANSIJSKA ULAGANJA

U skladu sa pravicima razvoja općine, planiranim budžetskim sredstvima i sredstvima prikupljenim od strane građana, te u saradnji sa Vladom Tuzlanskog kantona, nadležnim direkcijama, javnim preduzećima i građanima u narednom periodu potrebno je:

- nastaviti raditi na izgradnji vodovodnog sistema za preostali dio općine Sapna, za naselja Žuje, Šarci, Međeđa i dio Kraljevića;
- nastaviti voditi aktivnosti na obezbjeđenju finansijskih sredstava i nastavku izvođenja radova na regulaciji korita rijeke Sapne u užem centru općine;
- raditi na izgradnji sportske dvorane, faza I, te nastojati obezbjediti sredstva za dovršetak sportske dvorane (faza II);
- nastaviti voditi aktivnosti na rekonstrukciji i modernizaciji dijela regionalnog puta Zvornik - Sapna - Priboj, dionica Sapna - Goduš i istu završiti do kraja godine;
- voditi aktivnosti na izradi projektno tehničke dokumentacije za rekonstrukciju puta Zvornik - Sapna - Priboj, dionica Goduš - Rastošnica;

- uraditi projektno tehničku dokumentaciju i rekonstrukciju lokalnog puta Sapna - Nezuk - Zaseok;
- izvršiti rekonstrukciju lokalnog puta Sapna - Kobilići - Međeđa;
- završiti rekonstrukciju puta Sapna - Baljkovica, dionica Nezuk - Baljkovica;
- vršiti sanaciju, rekonstrukciju i modernizaciju ostalih putnih komunikacija pri čemu će prioritet imati putni pravci za koje se prvo obezbijede sredstva od strane građana;
- raditi na izradi projektne tehničke dokumentacije i izgradnji šalter sale;
- uraditi rekonstrukciju ulice Žrtava genocida u Srebrenici;
- voditi aktivnosti na realizaciji i drugih kapitalnih projekata za koje se uspiju obezbijediti finansijska sredstva.

V. ODLAGANJE SMEĆA I ZAŠTITA OKOLIŠA

U oblasti komunalnog reda i zaštite okoliša u narednom periodu će se:

- nastaviti voditi aktivnosti na uređenju javnih površina u centralnom dijelu općine;
- u saradnji sa Vladom Tuzlanskog kantona raditi na trajnom rješavanju odlaganja smeća u okviru projekta izgradnje regionalne deponije;
- u saradnji sa Vladom Tuzlanskog kantona i Službom za zapošljavanje u okviru akcije čišćenja i uređenja prostora Tuzlanskog kantona raditi na uklanjanju divljih deponija oko puteva i riječni tokova;
- raditi na rješavanju pitanja odlaganja smeća do izgradnje regionalne deponije;
- u saradnji sa preduzećem kojem su povjerene komunalne usluge raditi na odvozu smeća sa prostoru cijele općine;
- raditi na izradi projektne tehničke dokumentacije i u skladu s mogućnostima vršiti sanaciju klizišta;
- nastaviti voditi aktivnosti na projektovanju i izgradnji kanalizacionih mreža i odvodnji otpadnih voda.

VI. SPOMEN OBILJEŽJA

U narednom periodu u saradnji sa nadležnim kantonalnim ministarstvom za boračka pitanja će se:

- raditi na izradi projektne tehničke dokumentacije i u skladu s mogućnostima raditi na izgradnji centralnog spomen obilježja poginulim pripadnicima Armije Republike Bosne i Hercegovine i Ministarstva unutrašnjih poslova;
- pružati pomoć u izgradnji spomen obilježja šehidima i PB u mjesnim zajednicama.

VII. OBJEKTI SPORTA I REKREACIJE

U saradnji sa Vladom Tuzlanskog kantona i Ministarstvom obrazovanja, nauke, kulture i sporta Tuzlanskog kantona nastaviti voditi aktivnosti na obezbjeđenju sredstava i zavšetku izgradnje sportske dvorane u centralnom dijelu općine (druga faza), fiskulturne sale u Vitinici (druga faza) i sportskog poligona u Nezuku za potrebe učenika kod područne škole u Nezuku.

VIII. JAVNE MANIFESTACIJE

U saradnji sa Općinskim vijećem, Općinski načelnik, putem nadležne općinske službe, će:

- oragnizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Tuzlanski kanton i Općinu Sapna;
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama;
- organizovati i druge javne i kulturne manifestacije.

IX. OPĆINSKE SLUŽBE ZA UPRAVU

1. Općinska služba za društvene djelatnosti, branilačko - invalidsku zaštitu i opću upravu

Pored poslova propisanih zakonom, Statutom i drugim propisima Općinska služba za društvene djelatnosti, branilačko - invalidsku zaštitu i opću upravu će:

- a) pratiti rad i aktivnosti u osnovnim školama kao i u mješovitoj srednjoj školi, te u skladu s mogućnostima pomagati u organizaciji rada,
- b) predlagati mjere koje će podsticati aktivnosti škola čiji će cilj biti da obezbjede čvršće povezivanje tih škola sa sredinom u kojoj djeluju;
- c) pratiti i analizirati rezultate upisa u osnovne i srednju školu, te predlagati mjere i voditi aktivnosti kako bi što veći broj svršenih osnovaca i srednjoškolaca nastavio dalje obrazovanje;
- d) analizirati uspjeh i vladanje učenika u osnovnom i srednjem obrazovanju;
- e) provoditi aktivnosti oko raspisivanja konkursa i dodjele stipendija učenicima i studentima,
- f) u saradnji sa nadležnim kantonalnim ministarstvom analizirati stanje i kadrovsku situaciju u oblasti osnovnog i srednjeg obrazovanja te predlagati odgovarajuće mjere za prevazilaženje pojedinih situacija i za obezbjeđenje nedostajućih kadrova;
- g) analizirati stanje u oblasti zdravstva na području naše općine i predlagati odgovarajuće mjere na unapređenju zdravstvene zaštite;
- h) kontinuirano pružati pomoć organizaciji Crvenog križa općine Sapna oko organizovanja i provođenja akcije dobrovoljnog davanja krvi na prostoru naše općine;
- i) u saradnji sa Sportskim savezom općine Sapna organizovati sportske manifestacije u povodu obilježavanja značajnih datuma na prostoru naše općine;
- j) u saradnji sa Sportskim savezom raditi na razvoju sporta i izboru sportiste godine;
- k) pružati pomoć u radu i aktivnostima nevladinih organizacija koje rade na prostoru općine;
- l) iznalaziti mogućnosti u prevazilaženju problema sa kojim se susreću raseljena i izbjegla lica;
- m) ostvarivati saradnju sa organizacijama i institucijama čija je djelatnost da stvaraju uslove za povratak izbjeglih i raseljenih lica svojim kućama;
- n) obezbjeđivati stručne pomoći u radu vijeća mjesnih zajednica na prostoru općine Sapna;

- o) raditi na potpunoj implementaciji Zakona o slobodi pristupa informacijama;
- p) u saradnji sa PIO i drugim organizacijama i udruženjima, uključivati se u rješavanje aktuelnih pitanja i problema penzionera;
- q) u saradnji sa Službom za zapošljavanje TK-a pratiti stanje nezaposlenosti i zapošljavanja, sa posebnim osvrtom na pitanja socijalne i zdravstvene zaštite nezaposlenih lica;
- r) u saradnji s nadležnim organima i institucijama pratiti i analizirati bezbjedonosno stanje na prostoru općine Sapna;
- s) pratiti realizaciju poslova i zadataka na provođenju Zakona o pravima branilaca i članova njihovih porodica;
- t) pratiti i analizirati stepen ostvarivanja prava iz oblasti dopunskih prava boraca i članova njihovih porodica iz nadležnosti općine Sapna;
- u) pratiti realizaciju poslova na provođenju Konkursa za dodjelu bespovratnih sredstava rješavanje stambenih potreba boraca i članova njihovih porodica za 2008. godinu;
- v) pratiti stanje matičnih knjiga, kao i stanje predmeta i arhivskoj građi u općinskim službama za upravu;
- w) raditi na praćenju i unapređenju stanja u oblasti kulture;
- x) organizovati obilježavanje godišnjica značajnih datuma;
- y) vršiti izradu normativno - pravnih akata iz nadležnosti Službe za Općinsko vijeće, i to:
 - Odluka o stipendiranju redovnih studenata sa prostora općine Sapna,
 - Odluka o općinskim administrativnim taksama,
 - Izvještaj o rješavanju predmeta upravnog postupka u organima uprave za 2007. godinu,
 - Izvještaj o radu boračkih udruženja i organizacija,
 - Izvještaj o funkcionisanju mjesnih zajednica i radu vijeća mjesnih zajednica na području općine Sapna u 2007. godinu sa prijedlogom mjera za uspješniji rad.
- z) vršiti izradu raznih informacija;
- aa) pratiti zakone i druge propise i izrađivati i druga normativno - pravna akta iz nadležnosti Službe, te predlagati njihovo usklađivanje sa novousvojenim zakonima i drugim propisima.

2. Općinska služba za prostorno uređenje, geodetske, imovinsko - pravne poslove, poduzetništvo i finansije

Općinska služba za prostorno uređenje, geodetske, imovinsko - pravne poslove, poduzetništvo i finansije pored poslova predviđenih zakonom, Statutom i drugim propisima će:

- a) preduzimati odgovarajuće mjere i aktivnosti na daljem poboljšanju efikasnosti Službe u ostvarivanju prava građana i drugih lica kod pribavljanja potrebne dokumentacije;
- b) dovršiti sve upravne postupke koji nisu okončani tokom 2007. godine;
- c) voditi aktivnosti na digitalizaciji prostorno - planske dokumentacije;
- d) redovno voditi aktivnosti na održavanju horizontalne i vertikalne saobraćajne signalizacije;
- e) provoditi upravne postupke pokrenute po zahtjevima investitora za legalizaciju bespravno izgrađenih građevina;
- f) sprovoditi šire aktivnosti na uređenju gradskog građevinskog zemljišta te na uređenju zelenih površina i izradi cvijetnih aranžmana;

- g) voditi aktivnosti na imenovanju prinudnih upravitelja stambenih zgrada za upravljanje i održavanje stanova;
- h) raditi na zaštiti okolice i izradi programa i uklanjanju divljih deponija;
- i) rješavati imovinsko - pravne odnose pri realizaciji projekata u 2008. godini;
- j) u saradnji sa nadležnim kantonalnim ministarstvom u sklopu akcije čišćenja i uređenja prostora Tuzlanskog kantona voditi aktivnosti na čišćenju i uređenju prostora općine Sapna;
- k) raditi na stvaranju što povoljnijeg ambijenta za razvoj poduzetništva;
- l) vršiti redovne aktivnosti na održavanju putne mreže;
- m) pratiti izgradnju infrastrukturnih i drugih objekata;
- n) organizovati sastanke sa poduzetnicima s prostora općine Sapna u cilju sagledavanja stanja u oblasti privrede i iznalaženje mogućnosti za stvaranje povoljnog ambijenta za rad poduzetnika;
- o) voditi aktivnosti na planiranju proljetne i jesenje sjetve;
- p) raditi na realizaciji podsticaja u poljoprivredi;
- q) redovno praćenje stanja u oblasti stočnog fonda i mjerama zdravstvene zaštite životinja na prostoru općine Sapna;
- r) saradivati sa preduzećem Šume Tuzlanskog kantona, te pratiti stanje i zaštitu šuma na prostoru općine;
- s) u zimskom periodu pratiti prohodnost putnih pravaca koji su u nadležnosti općine i preduzimati mjere kako bi svi putevi koji povezuju mjesne zajednice sa centrom općine bili prohodni;
- t) u zimskom periodu pratiti prohodnost regionalnih puteva na prostoru općine Sapna i o stanju prohodnosti obavještavati nadležnu Kantonalnu direkciju za puteve;
- u) saradivati sa Federalnom upravom za geodetske i imovinsko - pravne poslove
- v) vršiti izradu normativno - pravnih akata iz nadležnosti Službe za Općinsko vijeće, i to:
 - Odluka o izradi regulacionog plana urbanog dijela općine,
 - Odluka o izradi regulacionog plana dijela obale jezera Sniježnica,
 - Odluka o provođenju regulacionog plana urbanog dijela općine,
 - Odluka o provođenju regulacionog plana dijela obale jezera Sniježnica,
 - Odluka o utvrđivanju prosječne ugovorene i prosječne konačne građevinske cijene m² korisne stambene površine u 2008. godini,
 - Odluka o naknadi za preuzeto građevinsko zemljište u državnu svojinu za 2008. godinu,
 - Odluka o usvajanju završnog računa budžeta općine Sapna za 2007. godinu,
 - Odluka o budžetu općine za 2009. godinu,
 - Odluka o izvršenju budžeta općine za 2009. godinu,
 - Odluka o naknadi za korištenje podataka i vršenju usluga u oblasti premjera i katastra nekretnina,
 - Odluka o povjeravanju upravljanja novoizgrađenim vodovodom,
 - Odluka o izmjeni i dopuni odluke o priključaku na općinski vodovod,
 - Izvještaj o ostvarenim prihodima i rashodima budžeta općine Sapna 2007. godinu,
 - Izvještaj o ostvarenim prihodima i rashodima budžeta općine Sapna za 01.01-30.06.2008. godine,
 - Izvještaj o održavanju i upravljanju vodovodima na području općine Sapna u 2007. godini.
- w) vršiti izradu raznih informacija;
- x) pratiti zakone i druge propise i izrađivati i druga normativno - pravna akta iz nadležnosti Službe, te predlagati njihovo usklađivanje sa novousvojenim zakonima i drugim propisima.

3. Općinska služba za civilnu zaštitu

Osim poslova propisanih zakonom, Statutom i drugim propisima Općinska služba za civilnu zaštitu će:

- a) raditi na sprovođenju Zakona o zaštiti i spašavanju ljudi i materijalnih dobara od prirodnih i drugih nesreća u dijelu koji se odnosi na organizovanje, rukovođenje, nadležnosti, zadatke, opremanje i obučavanje štabova, jedinica, i povjerenika civilne zaštite;
- b) izrađivati i ažurirati procjene ugroženosti teritorije općine Sapna uz uvažavanje novonastalih faktora;
- c) pratiti zimsko održavanje puteva i predlagati mjere;
- d) izrađivati programe razvoja zaštite i spašavanja ljudi i materijalnih dobara od prirodnih i drugih nesreća za period 2008-2011. godina i unos novih podataka koji bi mogli uticati na promjene;
- e) razrađivati i sprovoditi Zakon o zaštiti i spašavanju ljudi i materijalnih dobara od prirodnih i drugih nesreća u dijelu koji se odnosi na prava i obaveze državnih organa i službi, preduzeća i drugih pravnih lica u sprovođenju mjera zaštite i spašavanja;
- f) provoditi aktivnosti u oblasti zaštite stanovništva i materijalnih dobara od poplava i bujica i predlagati mjere;
- g) kontinuirano raditi na zaštiti od NUS-a i čišćenju zagađenih površina;
- h) raditi na organizovanju i opremanju Štaba civilne zaštite;
- i) pratiti stanje klizišta i predlagati mjere;
- j) pratiti pojave klizišta, preduzimati preventivne i operativne mjere zaštite i spašavanja ljudi i materijalnih dobara shodno mogućnostima;
- k) voditi aktivnosti na deminiranju i obilježavanju minskih polja;
- l) preduzimati preventivne mjere u oblasti zaštite i spašavanja ljudi i materijalnih dobara od požara, poplava, suša i drugih nesreća koje ugrožavaju ljude i materijalna dobra;
- m) uspostavljati saradnju sa službama za civilnu zaštitu u drugim općinama radi koordinacije i sprovođenja mjera zaštite i spasavanja ljudi i materijalnih dobara od svih vidova nepogoda i nesreća;
- n) u saradnji sa nadležnim institucijama i organizacijama učestvovati u organizovanim akcijama prikupljanja rezervi krvi od dobrovoljnih davalaca;
- o) izrađivati izvještaje i informacije za nadležne organe i institucije;
- p) voditi aktivnosti na izmještanju kontejnera za odlaganje NUS-a;
- q) kontinuirano raditi na organizovanju i materijalnom osposobljavanju Centra za osmatranje i uzbunjivanje;
- r) pratiti razvoj situacije i preduzimati preventivne mjere na sprečavanju širenja zaraznih bolesti kod životinja (Q-groznica, bruceloza i dr.);
- s) vršiti izradu organizacionih akata iz oblasti civilne zaštite;
- t) raditi na sprovođenju plana i programa obuke struktura civilne zaštite ukoliko bude donesen od strane Federalne uprave Civilne zaštite;
- u) pružati zaslužnu pažnju građanima čija je imovina u velikoj mjeri ugrožena klizištima, poplavama ili je nastala velika materijalna šteta usljed požara;
- v) tražiti finansijsku pomoć od nadležnih institucija Kantona i Federacije za rješavanje problematike građana čija je imovina ugrožena usljed prirodnih i drugih nesreća;
- w) vršiti kandidovanje prijedloga projekata deminiranja prema nadležnim upravama Civilne zaštite i nadležnim agencijama za deminiranje;
- x) vršiti izradu normativno - pravnih akata iz nadležnosti Službe za Općinsko vijeće;

- y) pratiti zakone i druge propise i izrađivati normativno-pravna akta iz nadležnosti Službe, te predlagati njihovo usklađivanje sa novousvojenim zakonima i drugim propisima.

Pored navedenih i planiranih poslova, tokom 2008. godine Općinski načelnik i nadležne općinske službe za upravu će svoje aktivnosti usmjeriti i na ostala pitanja koja se nametnu kao posebno važna.

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinski načelnik

Broj: 02-05-29/08
Datum: 10.01.2008.godine

Općinski načelnik
Ismet Omerović, dipl. ing. maš. s.r.